









INDEKS PENGELUARAN PERINDUSTRIAN APRIL 2025



Subsektor Pembuatan



Industri Berorientasikan Eksport dan Domestik



Industri utama yang menyumbang kepada pertumbuhan industri berorientasikan eksport



%YoY	%YoY	%YoY
Apr. 2024	Mac 2025	Apr. 2025
2.6%	4.8%	6.4%

Pembuatan minyak dan lemak daripada sayuran dan haiwan

2.7% 10.6% 22.8%

Pembuatan komputer, produk elektronik dan optikal

-1.4% 9.0% 11.1%



Industri utama yang menyumbang kepada pertumbuhan industri berorientasikan domestik



%YoY	%YoY	%YoY
Apr. 2024	Mac 2025	Apr. 2025
9.5%	2.3%	3.9%

Pembuatan produk prosesan makanan

5.5% 7.8% 8.2%

Pembuatan produk logam yang direka, kecuali mesin & kelengkapan

12.8% 4.2% 5.0%

Sumber: Indeks Pengeluaran Perindustrian Malaysia, Jabatan Perangkaan Malaysia (DOSM)



Pengeluaran sektor Pembuatan meningkat 5.6 peratus, memacu pertumbuhan Indeks Pengeluaran Perindustrian pada April 2025

- Indeks Pengeluaran Perindustrian merekodkan pertumbuhan 2.7 peratus pada April 2025. Jabatan Perangkaan Malaysia melaporkan dalam keluaran Indeks Pengeluaran Perindustrian (IPP), Malaysia, April 2025 pada hari ini. Penerbitan ini memaparkan statistik IPP yang terdiri daripada tiga sektor iaitu Perlombongan, Pembuatan dan Elektrik.
- IPP meningkat sebanyak 2.7 peratus pada April 2025, disumbangkan oleh pertumbuhan dalam sektor Pembuatan sebanyak 5.6 peratus. Sebaliknya, sektor Perlombongan dan Elektrik masing-masing menyusut 6.3 peratus dan 1.6 peratus.
- Dalam sektor Pembuatan, industri berorientasikan eksport pada April 2025 terus meningkat sebanyak 6.4 peratus, selepas mencatatkan peningkatan 4.8 peratus pada bulan sebelumnya. Prestasi ini didokong terutamanya oleh Pembuatan minyak dan lemak daripada sayuran dan haiwan yang mencatatkan pertumbuhan dua angka sebanyak 22.8 peratus, dan semakin disokong oleh Pembuatan komputer, produk elektronik dan optikal (11.1%). Bagi perbandingan bulan ke bulan, industri berorientasikan eksport menurun 10.2 peratus (Mac 2025: 10.1%).
- Begitu juga, industri berorientasikan domestik berkembang 3.9 peratus pada April 2025, selepas pertumbuhan 2.3 peratus direkodkan pada Mac 2025. Momentum positif ini disumbangkan oleh Pembuatan produk prosesan makanan (8.2%); Pembuatan produk logam yang direka, kecuali mesin dan kelengkapan (5.0%); dan Pembuatan logam asas (6.0%). Berbanding bulan sebelumnya, industri berorientasikan domestik menaik 0.3 peratus.



- Penyusutan 6.3 peratus dalam sektor Perlombongan pada April 2025 didorong oleh pengurangan dalam pengeluaran bagi Gas Asli dan Petroleum Mentah & Kondensat, masing – masing sebanyak 10.0 peratus dan 0.7 peratus. Berasaskan bulan ke bulan, indeks Perlombongan susut sebanyak 13.9 peratus, berbanding pertumbuhan 17.8 peratus yang direkodkan pada Mac 2025.
- Sementara itu, indeks Elektrik mencatatkan penurunan sebanyak 1.6 peratus pada April 2025, bertambah baik daripada penyusutan 2.2 peratus yang direkodkan pada bulan sebelumnya. Berbanding Mac 2025, indeks Elektrik menurun 3.1 peratus.
- Di peringkat global, IPP bagi kebanyakan negara menunjukkan trend peningkatan pada April 2025, dengan kenaikan kukuh tahun ke tahun yang dicatatkan oleh Taiwan (22.3%) dan Vietnam (10.2%). Kenaikan yang sederhana juga dapat dilihat di negara-negara seperti China (6.1%), Singapura (5.9%), Korea Selatan (4.9%), Thailand (2.2%), Amerika Syarikat (1.5%) dan Jepun (0.7%) bagi April 2025.
- IPP meningkat sebanyak 2.4 peratus berbanding tempoh yang sama pada tahun lalu (Januari – April 2024: 3.6%). Sepanjang tempoh tersebut, sektor Pembuatan merekodkan pengembangan 4.5 peratus, manakala sektor Perlombongan dan sektor Elektrik menyusut, masing-masing dengan 4.0 peratus dan 1.7 peratus. Penerbitan Indeks Pengeluaran Perindustrian, April 2025 boleh dimuat turun melalui portal eStatistik.

